



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՖԻՆԱՆՍՆԵՐԻ ՆԱԽԱՐԱՐ

25 դեկտեմբերի 2013թ.

թիվ 430-ՇԽ

ՀՐԱՄԱՆ

<<ՓՈՔՐԻԿ ՔՆԱՐԻԿ>> ՍՊԸ ՆԿԱՏՄԱՄԲ ՈՐՊԵՍ ՊԱՏԱՍԽԱՆԱՏՎՈՒԹՅԱՆ
ՄԻՋՈՑ ՆԱԽԱԶԳՈՒՇԱՑՈՒՄ ԿԻՐԱՌԵԼՈՒ ՄԱՍԻՆ

Հիմք ընդունելով հետևյալ փաստական հանգամանքները՝

1. ՀՀ ֆինանսների նախարարի 2013թ. դեկտեմբերի 10-ի թիվ 1073-Ա հրամանի հիման վրա ՀՀ ֆինանսների նախարարության կողմից իրականացված <<Փոքրիկ Քնարիկ>> ՍՊԸ (այսուհետ՝ Ընկերություն) ՀՀ ֆինանսների նախարարության կողմից 2008 թվականի դեկտեմբերի 05-ին տրված թիվ ՇԽ-194 շահումով խաղի կազմակերպման լիցենզիայի պայմանների և պահանջների կատարման ստուգման արդյունքում 2013թ. դեկտեմբերի 18-ին կազմված ակտով (այսուհետք Ակտ) արձանագրվել է <<Շահումով խաղերի և խաղատների մասին>> ՀՀ օրենքի 6-րդ հոդվածի 2-րդ մասի <<զ>> կետի պահանջի խախտում, այն է՝ կազմակերպիչն ապահովում է խաղասրահի տարածքի պաշտպանությունը պահպանիչ և հակահրդեհային ազդարարման համակարգերով,
2. Ակտի նախագիծը 2013թ. դեկտեմբերի 18-ին ներկայացվել է Ընկերության տնօրենին, ինչն առանց որևէ առարկության ստորագրվել է նրա կողմից, առաջնորդվելով <<Շահումով խաղերի և խաղատների մասին>> ՀՀ օրենքի 12-րդ հոդվածի 3-րդ մասի <<բ>> կետով և նույն հոդվածի 2-րդ մասով (Նախագգուշացումը նախատեսում է նաև թույլ տրված խախտումը լիազոր մարմնի կողմից սահմանված ժամկետում վերացնելու կամ ապագայում նման խախտումը կանխելուն ուղղված միջոցառումներ ձեռնարկելու հանձնարարական, որի կատարումը պարտադիր է)


ՀՐԱՄԱՅՈՒՄ ԵՄ

1. <<Փոքրիկ Քնարիկ>> ՍՊԸ-ի նկատմամբ, որպես պատասխանատվության միջոց կիրառել նախագգուշացում:

ՖՆ 000296

2. Սահմանել 15-օրյա ժամկետ <<Շահումով խաղերի և խաղատների մասին>> ՀՀ օրենքի 6-րդ հոդվածի 2-րդ մասի <<զ>> կետի պահանջի կատարումն ապահովելու համար:
3. Սույն հրամանը կարող է բողոքարկվել վարչական կարգով սույն հրամանն ուժի մեջ մտնելու օրվանից վեց ամսվա ընթացքում կամ դատական կարգով՝ օրենքով սահմանված ժամկետում:

ՆԱԽԱՐԱՐ



ԴԱՎԻԹ ՍԱՐԳՍՅԱՆ

